

**UGOVOR**  
**o regulisanju pružanja usluga hiperbarične oksigenoterapije (HBOT)**

Mjesto i vrijeme zaključenja :

Tuzla, 15.05.2019. godine

Ugovorne strane:

1. **Zavod zdravstvenog osiguranja Tuzlanskog kantona** (u daljem tekstu: Zavod), koga zastupa direktor Mirsad Hodžić, dipl.ecc.
2. **ZTC „Banja Vrućica“ a.d. Banja Vrućica, Teslić** (u daljem tekstu: Zdravstvena ustanova), koju zastupa generalni direktor dr. Dragan Bogdanić

Pravni osnov za zaključivanje ovog ugovora sadržan je u odredbama člana 35., 37., 38. i 99. alineja 4. Zakona o zdravstvenom osiguranju („Službene novine F BiH“ broj: 30/97, 7/02, 70/08, 48/11 i 36/18), odredbama Zakona o zdravstvenoj zaštiti („Službene novine FBiH“ broj: 46/10 i 75/13), Pravilnika o ostvarivanju prava iz obaveznog zdravstvenog osiguranja („Službene novine FBiH“ broj: 31/02), člana 14. Statuta Zavoda zdravstvenog osiguranja Tuzlanskog kantona („Službene novine TK“ broj: 4/16), Odluke o usvajanju Finansijskog plana Zavoda zdravstvenog osiguranja Tuzlanskog kantona za 2019. godinu, Odluke o davanju saglasnosti na zaključivanje Ugovora o regulisanju pružanja usluga hiperbarične oksigenoterapije (HBOT) za 2019. godinu, 05-0511-1-72-7/19-BA/JH od 25.04.2019. godine i Saglasnosti Ministra zdravstva Tuzlanskog kantona.

**Član 1.**

Ugovorne strane izjavljuju da su postigle saglasnost o bitnim elementima ugovora o:

- predmetu,
- postupku za pružanje usluga,
- obavezama Zdravstvene ustanove,
- cijeni pojedinačne usluge,
- ukupnoj naknadi za ugovorni period,
- obavezama Zavoda,
- prestanku ugovornog odnosa.

**Član 2.**

Ovim Ugovorom regulišu se međusobna prava i obaveze ugovornih strana u vezi pružanja usluge hiperbarične oksigenoterapije (HBOT) licima kojima je Zavod svojim aktom utvrdio svojstvo osiguranog lica ili im je, u skladu sa međunarodnim sporazumom, omogućio ostvarivanje zdravstvene zaštite na teret sredstava Zavoda (u daljem tekstu: osigurana lica).

**Član 3.**

Ugovorne strane su saglasne da Zdravstvena ustanova, u toku ugovornog perioda, osiguranim licima Zavoda pruža usluge iz člana 2. saglasno odredbama Doktrinarnog pristupa za upućivanje na liječenje u Hiperbaričnoj komori sa Procedurom za ostvarivanje tog prava (u daljem tekstu: Doktrinarni pristup).

**Član 4.**

Ugovorene usluge pružat će se osiguranim licima ukoliko ista posjeduju Saglasnost Zavoda, saglasno odredbama Doktrinarnog pristupa.

  
1

#### **Član 5.**

Zdravstvena ustanova se obavezuje da:

1. pod uslovima utvrđenim ovim Ugovorom pruži osiguranim licima ugovorene usluge standardnog kvaliteta,
2. u postupku pružanja ugovorenih usluga u potpunosti pridržava Doktrinarnog pristupa koji su u prilogu ovog Ugovora,
3. će osiguranom licu pružiti ugovorenu uslugu odmah, a najkasnije u roku do 30 dana od dana javljanja osiguranika u Zdravstvenu ustanovu,
4. obezbijedi povjerljivost i tajnost svih ličnih podataka osiguranih lica, te iste obrađuje i koristi samo u skladu sa propisima koji se primjenjuju u obavljanju poslova iz svoje nadležnosti, a poštujući odredbe propisa iz oblasti zaštite ličnih podataka,

#### **Član 6.**

Ugovorne strane su saglasne da jedinična cijena usluge iz člana 2. ovog Ugovora iznosi 55,00 KM po satu.

#### **Član 7.**

Ugovorena naknada iznosi do 150.000 KM.

Zdravstvena ustanova može mjesečno pružiti usluga iz stava 1. ovog člana najviše u vrijednosti do 1/8 od ukupno ugovorene vrijednosti.

Izuzetno od stava 2. ovog člana, ukoliko u jednom ili više prethodnih mjeseci Zdravstvena ustanova nije pružila usluge u ugovorenoj mjesečnoj vrijednosti, neizvršeni broj usluga može se realizovati u narednim mjesecima, s tim što ukupna vrijednost pruženih usluga ne može biti veća od ukupne vrijednosti usluga koje Zdravstvena ustanova može pružiti do određenog vremenskog perioda.

#### **Član 8.**

Zdravstvena ustanova će dva puta mjesečno Zavodu dostavljati fakturu za izvršene usluge uključujući sljedeće:

- o količinu i vrijednost izvršenih usluga,
- o Saglasnosti Zavoda, na osnovu kojih su pružene usluge,
- o Izvještaj u pisanoj i elektronskoj formi na obrascu utvrđenom od strane Zavoda, koji je u prilogu ovog Ugovora.

#### **Član 9.**

Zavod se obavezuje da će, na osnovu fakture za izvršene usluge hiperbarične oksigenoterapije (HBOT) ispostavljenog u skladu sa članom 8. ovog Ugovora, izvršiti plaćanje Zdravstvenoj ustanovi po ugovorenoj cijeni iz člana 6. ovog Ugovora u roku do 30 dana od dana prijema fakture, na račun Zdravstvene ustanove:

broj: 567 543 1100 379 643 otvoren kod Sberbank a.d.

#### **Član 10.**

Sva sporna pitanja iz ovog ugovora ugovorne strane će rješavati sporazumno.

Ako do sporazumnog rješenja ne dođe sporno pitanje će razmatrati i o njemu odlučivati zajednička arbitražna komisija, koju čine po jedan član imenovan od strane potpisnika ovog ugovora, dva člana iz Ministarstva zdravstva Tuzlanskog kantona i jedan član ispred Ljekarske komore Tuzlanskog kantona.

Ugovorna strana nezadovoljna odlukom aritražne komisije može, u roku od 30 dana od dana prijema odluke arbitražne komisije, pokrenuti postupak kod stvarno nadležnog suda u Tuzli.

#### **Član 11.**

Ugovorni odnos može prestati istekom roka na koji je ugovor zaključen ili raskidom ugovora.

Svaka od ugovornih strana ima pravo tražiti raskid ugovora ukoliko druga ugovorna strana ne izvršava ugovorne obaveze preuzete ovim ugovorom.

Ugovorna strana koja raskida ugovor dužna je, u roku od 3 dana, pismeno izvijestiti drugu ugovornu stranu o namjeri da raskine ugovor i navesti razloge zbog kojih ugovor raskida.

Otkazni rok je 30 dana od dana prijema obavijesti o otkazu ugovora.  
Svaka od ugovornih strana može raskinuti ugovor samo uz prethodno pribavljenu saglasnost Ministarstva zdravstva Tuzlanskog kantona.

**Član 12.**

Ovaj ugovor smatra se zaključenim kada ga potpišu ugovorne strane.

**Član 13.**

Ovaj ugovor se zaključuje na period do 31.12.2019. godine.

**Član 14.**

Ovaj ugovor sačinjen je u tri istovjetna primjerka, od kojih po jedan primjerak zadržava svaka ugovorna strana, dok se jedan primjerak dostavlja Ministarstvu zdravstva TK.

**UGOVORNE STRANE**

Zavod zdravstvenog osiguranja  
Tuzlanskog kantona



*Mirsa*  
\_\_\_\_\_  
Mirsad Hodžić, dipl.ecc.

Broj: 04-1420-1545-304/18

ZTC Banja Vrućica a.d. Teslić



*W*  
\_\_\_\_\_  
3 dr. Dragan Bogdanić

Broj: 1731/2019

*Topan* 3 *Topan*

ZDRAVSTVENA USTANOVA \_\_\_\_\_

IZVJEŠTAJ O IZVRŠENOM BROJU USLUGA HIPERBARIČNE OKSIGENOTERAPIJE (HBOT)  
NA DAN \_\_\_\_\_ GODINE

Redni broj	Ime i prezime pacijenta	Datum i godina rođenja	Broj Saglasnosti Zavoda	Broj sati tretmana	Potpis pacijenta
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					

MP

POTPIS

\_\_\_\_\_

